

Situacija sa finansiranjem mora biti riješena



Visoki predstavnik Valentin Inzko i ministar finansija i trezora BiH Dragan Vrankić sastali su se jučer u Sarajevu i razgovarali o zastoju u vezi sa državnim budžetom.

Visoki predstavnik je izrazio razumijevanje za principjelan pristup ministra Vrankića, te naglasio da usvajanje bilo kojeg budžeta, uključujući budžet za 2011. godinu, mora biti u skladu sa procedurama koje određuje Ustav.

Domaće institucije trebaju riješiti problem na način koji će omogućiti finansiranje institucija države i otplatu vanjskog duga, a koji će istovremeno slijediti zakonski i ustavni poredak.

Visoki predstavnik se također zahvalio ministru Vrankiću na veoma uspješnom mandatu, te na kontinuiranoj posvećenosti i trudu za državu Bosnu i Hercegovinu i njene finansije.